



ШИНЖЛЭХ УХААН, ТЕХНОЛОГИЙН
ИХ СУРГУУЛИЙН ЗАХИРЛЫН
ТУШААЛ

2017 оны 11 сарын 26 өдөр

Дугаар A/223

Улаанбаатар хот


Журам батлах тухай


"ШУТИС-ийн дүрэм"-ийн 4.14.7 дахь заалт, ШУТИС-ийн Захирлын зөвлөлийн 2017 оны 10 дугаар сарын 24-ний өдрийн хурлын тэмдэглэлийг тус тус үндэслэн ТУШААХ нь:

1. "ШУТИС-ийн оюутнуудад кредитийн урамшуулалт олгох журам"-ыг хавсралтаар баталж, 2017-2018 хичээлийн жилээс эхлэн мөрдсүгэй.
2. Батлагдсан журмыг хэрэгжүүлж, биелэлтэнд хяналт тавьж ажиллахыг Сургалт, оюутны асуудал эрхэлсэн дэд захирал /Х.Энхжаргал/, бүрэлдэхүүн сургуулийн захирлуудад даалгасугай.
3. Энэ тушаал гарсантай холбогдуулан Ректорын 2012 оны 09 дүгээр сарын 24-ний өдрийн А/134 тоот тушаалаар баталсан "ШУТИС-ийн оюутнуудад кредитийн урамшуулалт олгох журам"-ыг хүчингүй болсонд тооцсугай.

ЗАХИРАЛ

Б.ОЧИРБАТ





ШУТИС-ИЙН ОЮУТНУУДАД КРЕДИТИЙН УРАМШУУЛАЛ ОЛГОХ ЖУРАМ

Нэг. Нийтлэг үндэслэл

- 1.1 ШУТИС-ийн Коосэн технологийн коллеж, бакалаврын түвшинд суралцаж буй оюутнуудын нийгмийн идэвх, оролцоог дээшлүүлэх, тэдний авьяас чадвар, хүсэл сонирхлыг нь урамшуулан дэмжих, хөгжүүлэх зорилгоор сурлага, эрдэм шинжилгээ, урлаг, спортын төрлүүдэд онцгой амжилт гаргасан шилдэг оюутнуудад кредитийн урамшуулал олгох үйл ажиллагааг энэхүү журмаар зохицуулна.

Хоёр. Урамшууллын төрлүүд

- 2.1 Хичээлийн жилийн 1 улиралд 15-аас доoshgүй кредит сонгон суралцаж үнэлгээний голч дүн 3,6-с дээш суралцан захирлын нэрэмжит хуудсанд бичигдсэн шилдэг оюутан; /Бүрэлдэхүүн сургуулиуд улирлын үнэлгээний голч дүнгийн минимумийг оюутны сурлагын амжилтаас хамааруулан дээшлүүлэн тогтоож болно./
- 2.2 ШУТИС-ийг төлөөлөн, эрдэм шинжилгээний хурал, олимпиад, мэргэжлийн уралдаан тэмцээн, спорт, соёл урлагийн уралдаан тэмцээнд эхний гурван байранд шалгарсан оюутан;
- 2.3 ШУТИС-ийн хэмжээнд зохион байгуулагддаг нэгдсэн арга хэмжээ, олон нийтийн үйл ажиллагаанд идэвх санаачлагатай, клубийн гишүүн оюутан;
- 2.4 ШУТИС-ийн Оюутны холбоо, бүрэлдэхүүн сургуулийн оюутны зөвлөл, оюутны байрны гишүүд хичээлийн жилийн 1 улиралд 15-аас доoshgүй кредит сонгон суралцаж, сурлагын үнэлгээний голч дүн 2.0-с дээш байгаа тохиолдолд урамшууллыг олгоно.
- 2.5 Тэмцээн уралдааны нэр төрөл, журмын заалт давхцуулан урамшуулал олгохгүй бөгөөд урамшууллын төрөл, хэмжээг хавсралтанд үзүүлэв.

Гурав. Урамшуулал олгох

- 3.1 Бүрэлдэхүүн сургуулиуд шилдэг суралцагч, эрдэм шинжилгээний хурал, олимпиад, мэргэжлийн уралдаан тэмцээн, соёл, урлагийн тэмцээнд амжилт гаргасан оюутнуудын урамшууллыг олгох захирлын зөвлөлийн шийдвэрийг Оюутны соёл, үйлчилгээний албанд хүргүүлж, ШУТИС-ийн захирал баталгаажуулан улирал бүрийн хичээл сонголтын долоо хоногт сургалтын төлбөрт шилжүүлэн олгоно. /Хамтарсан илтгэл, өгүүлэлд 2-оос дээш оюутан оролцсон нөхцөлд урамшууллыг хувааж олгоно/.
- 3.2 Спортын тэмцээн, уралдаанд амжилт гаргасан оюутны материалыг ШУТИС-ийн биений тамирын тэнхим тодорхойлон Оюутны соёл, үйлчилгээний албанд хүргүүлж



ШУТИС-ийн захирал баталгаажуулан улирал бүрийн хичээл сонголтын долоо хоногт сургалтын төлбөрт шилжүүлэн олгоно.

- 3.3 ШУТИС-ийн хэмжээнд зохион байгуулагддаг нэгдсэн арга хэмжээ, олон нийтийн үйл ажиллагаанд идэвх санаачлагатай оролцдог клубын багш оюутан, клубын ахлагч, гишүүд болон Оюутны холбооны тэргүүн, ерөнхий нарийн бичгийн дарга, хяналтын хорооны дарга, гүйцэтгэх хорооны гишүүдийн урамшууллыг Оюутны соёл үйлчилгээний албаны даргын тодорхойлолтыг үндэслэн Сургалт, оюутны асуудал эрхэлсэн дэд захирал хянан ШУТИС-ийн захирал баталгаажуулан улирал бүрийн хичээл сонголтын долоо хоногт сургалтын төлбөрт шилжүүлэн олгоно.
- 3.4 Бүрэлдэхүүн сургуулийн оюутны зөвлөлийн дарга гишүүд, байрны зөвлөлийн дарга гишүүдийн урамшууллыг Оюутны холбооны тэргүүний тодорхойлолтыг үндэслэн тухайн сургуулийн захирлын зөвлөлийн хурлаар хэлэлцэн, гаргасан шийдвэрийг Оюутны соёл үйлчилгээний албанд хүргүүлж ШУТИС-ийн захирал баталгаажуулан улирал бүрийн хичээл сонголтын долоо хоногт сургалтын төлбөрт шилжүүлэн олгоно.
- 3.5 Урамшууллын болзол хангасан оюутнуудын материалыг хичээлийн жилийн 16 дугаар долоо хоногоос эхлэн Оюутны соёл, үйлчилгээний албанд хүлээн авна.

КРЕДИТИЙН УРАМШУУЛЛЫН ТӨРӨЛ, ХЭМЖЭЭ

1. Шилдэг суралцагч

- 1 улирал 3.6-аас дээш үнэлгээний голч дүнтэй суралцсан 1 кр хүртэл
- 2 улирал дараалан 3.6-аас дээш үнэлгээний голч дүнтэй суралцсан 3 кр хүртэл
- 3 улиралд дараалан 3.6-аас дээш үнэлгээний голч дүнтэй суралцсан 5 кр хүртэл

2. Эрдэм шинжилгээний хурал, олимпиад

- Бүрэлдэхүүн сургуулийн эрдэм шинжилгээний хурал, олимпиад 2 кр хүртэл
- ШУТИС-ийн эрдэм шинжилгээний хурал, чуулган, олимпиад 3 кр хүртэл
- Улсын чанартай эрдэм шинжилгээний хурал, чуулган, олимпиад 6 кр хүртэл
- Олон улсын эрдэм шинжилгээний хурал, чуулган, олимпиад 6 кр хүртэл

3. Мэргэжлийн уралдаан, тэмцээн

- Бүрэлдэхүүн сургуулийн хэмжээнд зохиогдсон уралдаан, тэмцээн 2 кр хүртэл
- ШУТИС-ийн хэмжээний уралдаан, тэмцээн 3 кр хүртэл
- Улсын чанартай уралдаан, тэмцээн 4 кр хүртэл
- Олон улсын хэмжээний уралдаан, тэмцээн 6 кр хүртэл

4. Спортын уралдаан, тэмцээн

- Их, дээд сургуулиудын оюутны тэмцээн 3 кр хүртэл
- Улсын чанартай тэмцээн, лигийн тэмцээн 4 кр хүртэл
- Олон улсын чанартай тэмцээн 5 кр хүртэл

5. Соёл, урлагийн уралдаан, тэмцээн

- ШУТИС-ийн урлагийн их наадам 2 кр хүртэл
- Улсын хэмжээний уралдаан, тэмцээн 3 кр хүртэл
- Олон улсын хэмжээний соёл, урлагийн уралдаан, тэмцээн 6 кр хүртэл

6. Клубийн үйл ажиллагаа

- Клубуудэд хичээл заадаг оюутнууд 3 кр хүртэл
- Клубийн ахлагч 2 кр хүртэл
- Олон нийтийн үйл ажиллагаанд идэвхтэй оролцдог оюутан, клубийн гишүүн 1 кр хүртэл

7. Оюутны холбоо, оюутны зөвлөл

- Оюутны холбооны тэргүүн 12 кр хүртэл
- Ерөнхий нарийн бичгийн дарга 8 кр хүртэл
- Хяналтын хорооны дарга 8 кр хүртэл
- Оюутны холбооны гишүүн /4 хүртэлх оюутан/ 8 кр хүртэл
- Бүрэлдэхүүн сургуулийн оюутны зөвлөлийн дарга 10 кр хүртэл
- Оюутны зөвлөлийн гишүүн /2 хүртэлх оюутан/ 5 кр хүртэл
- Оюутны байрны зөвлөлийн дарга 5 кр хүртэл
- Оюутны байрны зөвлөлийн гишүүдэд /4 хүртэлх оюутан/ 3 кр хүртэл